

## **A Dios Su amor inkondishonal:**

### **❖ Dios kier pa tur hende wòrdu salbá.**

- Dios ta stima nos asina tantu ku El a hasi un inmenso sakrifisio (Su propio bida) asina ku tur lo por wòrdu salbá for di piká (Juan. 3:16.)
- No tin ningun hende knde den e wowonan di Dios, lo pr wòrdu konsiderá indigno di por alkansá e salbashon ofresé. Dios Su amor ta brasa tur ( Salmo. 145:9.)
- Si salbashon tabata dependé solamente riba e boluntat di Dios, nos tur lo wòrdu salbá (1 Tim. 2:3-4.)
- Pero El a duna nos libertat pa disidi sea si òf no nos kier wòrdu salbá; sea si òf no nos kier respondé na Su amor. No lo por imagin'E sklamando ku lagrimanan den Su wowonan, “Por favor aseptá mi invitashon ... BIBA (Ezek. 33:11.)

### **❖ E motibu pa e pakto.**

- Ora ku Dios a saka Israel for di Egipto pa renobá e pakto ku El a sera ku Abraham, Isaak, i Jakòb, E no a hasi asina djis pa kumpli ku Su palabra: “ tabata pasombra Señor a stima boso ” (Deut. 7:8 NIV.)
- E palabra huzá pa definí e motibu pakiko Dios sera un pakto ku nos ta hesed, kual ta nifiká:
  - (1) E miserikòrdia, kariño i amor di Dios.
  - (2) Ternura òf amor fiel pa un otro persona denter di un relashon di amor resíproko(mútuuo.
  - (3) Amor demostrá ku e intenshon ku e otro persona ta manifestá e mesun kariño i amor ei a kambio.
- Dios Su amor ta konfiabel, konstante, i permanente. Pero e benefisionan ku nos lo por risibi for di e amor ei ta kondishonal, dependiendo riba nos kontesta ( Salmo 25:10 NIV.)

## **B E kondishonnan di Dios Su amor:**

### **❖ E kondishonnan di e pakto.**

- Algun vèrsnan di Beibel lo por duna nos e impreshon ku Dios ta stòp di stima nos ora ku nos bira for di dje (Jer. 16:5 NIV.)
- Sinembargo, laga nos wak na e ehèmpel den e buki di Oseas, kaminda Dios ta bisa kategorikamente: “ Lo Mi no stima nan mas ” (Oseas 9:15.) Djis despues, Dios lo bisa: “ lo Mi stima nan abundantemente” (Oseas. 14:4.)
- Dios Su amor ta etèrno; Nunka E ta stòp di stima nos (Salmo 136:1 NIV.) Pero El a pone kondishonnan asina ku nos lo por risibi e benefisionan di e amor ei:
  - (1) Stim'E (Juan. 16:27)
  - (2) Sigui stim'E (Juan 15:9; Judas 21)
  - (3) Warda Su mandamentunan (Juan 14:21; 1Juan. 5:3)
  - (4) Stimando un na otro (Juan 15:17; 1Juan. 4:12)

### **❖ Kontestá na Dios Su amor.**

- Dios semper ta tuma e promé paso. E ta stima nos promé ku nos lo por hasi kualkier kos tokante di esaki (Jer. 31:3.)
- Ora nos ta konsiente di Dios Su amor i e gran sakrifisio ku El a hasi pa nos, nos reakshon natural ta pa stim'E i pa stima un na otro (1 Juan. 4:9-10, 19.)
- Desafortunadamente, no ta tur hende ta reakshoná na e mesun manera. Tin bes, nos lo por lubidá kuantu Dios ta stima nos. Hesus a duna un ehèmpel di esaki ku un parábola (Mateo. 18:23-35.)
- Un hòmbler su debe na su señor tabata e ekivalente di 200,000 aña di trabou! Pero su señor, fo'i amor, a pordon'è.
- Lubidando e amor ku el a risibí, e esklabu aki a demandá for di su kompañero-esklabu e ekivalente di djis riba tres luna di trabou. Ki ingratitut! “ Abo tambe no mester a tene kompashon di bo kompañero-esklabu, meskos ku ami a tene piedat di bo?” (Mateo18:33.)

## **C Nos kontesta na Dios Su amor:**

### **❖ Transmisornan di Dios Su amor.**

- Kon nos por kompensá Dios pa loke El a hasi pa nos? Nos por pag'E bèk na kualkier manera?
- ` Pero Dios no ta pidi nos pa paga òf kompens'E pa e amor risibí.. E ta kontentu ku nos ta transmisornan di loke nos a risibí libremente (1 Juan 4:11; Mateo 10:8b.)

- Nos no por paga bèk loke Dios a hasi, pero nos por gradis'E dor di komportá pa ku otronan manera El a komportá pa ku nos.
- Si stima Dios ta nifika stima otronan, nos mester urgentemente kompartí e mensahe di Dios Su amor ku tur hende.